

15. oktober 2019

UKA2019/33 aamma UKA2019/53

UKA2019/33

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaanni § 9 imm. 1 allangorteqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut. Taamaalilluni meeqqat illugiimmik angajoqqaallit, tamarmik sulisimappata imaluunniit ilinniartuuppata, kommunip ulluunerani paaqqinniffiit ulluuneranilu paarsisarfinnut utaqqisut allattorsimaffianni meeqqanut kisimiittunik angajoqqaalinnut sulisimappata imaluunniit ilinniartuuppata assigiimmik pineqarnissaat angujumallugu (Siumup Inatsisartunut ilaasortaataitai)

Aamma

UKA2019/53

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat allangorteqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut. Inatsisip allangortinneratigut qulakkeerneqassaaq, kalaallit nunani allani ilinniartut qitornaasa kommunip meeqqerivutaanut ulluuneraniluunniit angerlarsimaffinni paaqqinnittarfinnut utaqqisunut allanut naleqqiullugu sallingortinneqartalernissaat ilinniartup Kalaallit Nunaanni sullivimmi imaluunniit oqartussaaffiit arlaanni sulilernissaminut isumaqatigiissuteqarluni takutissinnaappagu.

(Inatsisartuni ilaasortaq Malene Vahl Rasmussen, Demokraatit)

Meeqqanut suli atualingitsunut inerikkiartuutaasunik ulluunerani neqeroorutit pillugit allangortitsinissamik siunnersuuteqarput Siumup Inatsisartunut ilaasortaataitai kiisalu Inatsisartuni Demokraatit sinnerlugit ilaasortaq Malene Vahl Rasmussen.

Siunnersuutit taakkua pillugit Siumumiik imaattumik oqaaseqaateqassaagut.

Inatsisartut inatsisaanni §9 imm. 1 malittarisassaqqarpoq, kommunalbestyrelse qanoq iliorluni meeqqanik allattorsimaffimmi utaqqisunik tulleriarissanersoq.

Aaliangiiffigisassatut siunnersuut imm. 33-mi anguniarneqqarpoq pingaarnersuilluni tulleriarisarnermi gruppi c aamma d naligiisinnegalerneqarnissaat tassani anguniarneqqarpoq meeqqat illugiinnik sulisunik angajoqqaallit imal. ilinniartunik angajoqqaallit sukkanerusumik meeqqerivimmik tunineqartalernissaat.

Siunnersuutip aappaani tassalu imm. 53-mi anguniarneqqarpoq, kalaallit nunani allani ilinniartut qitornaasa nunatsinnut uteraangamik utaqqisuni sallingortinneqartalernissaat.

Naalackersuisut akissuteqaataat atuaraanni paasinarpoq, siunnersuutit taakkua maanna ilusimisut isikkoqartillugit akuerineqarnissaat nangaanartoqartinneqartoq ilaatigut nunatsinni ilinnialutik naammassisartut immikkoortinneqannginnissaat tunngavilersuutigalugu. Naalackersuisut imaalliallaannaq



takujuminaatsippaat siunnersuutit taakku marluk akuerineqarpata suut kingunerissaneraat. Taamaattumillu allannguutissamik Naalakkersuisut saqqummiussaqaqput siunnersuutit sunik kinguneqarumaarnerat pillugu qulaajaqqaarneqassasoq nassuiaammillu Inatsisartut 2020 ukiakkut ataatsimiinneranni saqqummiussisoqassalluni.

Naalakkersuisut taamatut siunnersuutitut taakkununga naaperiaanerat Siumumiik akuersaarparput ataatsimiititaliamullu susassaqartumut ingerlaqqinnissaat innersuullugit.

Doris J. Jensen